



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

XL. Bischof Nicolaus von Camin bestätigt die von Nicolaus Sack zu Butterfelde vorgenommene Altarstiftung, am 21. März 1401.

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

XL. Bischof Nicolaus von Camin bestätigt die von Nicolaus Sack zu Butterfelde vorgenommene Altarstiftung, am 21. März 1401.

In nomine sancte et individue trinitatis amen. Nicolaus, dei gratia episcopus ecclesie caminensis, universe fidelium nationi in perpetuum vitam in Christo consequi sempiternam. Cura pastoralis officii nobis commissi nos incessanter provocat et inducit cooperari devotis fidelibus in his precipue, quibus divinus cultus adaugetur et salus quesitur animarum. Sane vidimus paternas literas fundacionis et dotacionis cujusdam novi altaris in ecclesia parochiali ville Botervelde nostre caminensis dioecesis de consensu patronorum ipsius ecclesie in honorem omnipotentis dei sueque genitricis Marie virginis gloriose, nec non sanctorum Bartholomei apostoli et Nicolai pontificis et confessoris Catherineque et Dorothee virginum beatarum noviter fundati et dotati, sanas et integras omni prorsus vicio suspicionis carentes, sigillo validi viri Nicolai Zack, famuli dicte nostre dioecesis, predicti altaris fundatoris et dotatoris sigillatas, in hec verba: Venerabili in Christo patri et domino, domino Nicolao, Dei et Apostolice sedis gracia episcopo ecclesie caminensis, Nicolaus Sack, famulus, possessor ville Botervelde, vestre dioecesis, promptam servitum complacendique voluntatem. Ad vestram venerabilem paternitatem ceterorumque Christi fidelium cupiens devenire noticiam Studiose, Quoniam nichil morte cercius mortis autem hora nichil incertius cumque melius est prevenire, quam preveniri, Hac igitur consideracione dominum nostrum Jesum Christum, creatorem et redemptorem nostrarum omnium piarum elemosinarum largicione confidens procul dubio complacere, cultum divinum meorum progenitorum omniumque Christi fidelium animarum ob salutem proponens augmentare; Quapropter ad fundandum, erigendum, construendum et dotandum unum altare ad laudem et gloriam ac honorem omnipotentis Dei sueque genitricis sancte Marie virginis matris Christi gloriose, nec non beatorum Bartholomei apostoli eximii Jesu Christi ac Nicolai almi Pontificis et confessoris pariterque Katherine et Dorothee virginum beatarum in ecclesia parochiali prefate ville Botervelde deputavi, dedi, assignavi et incorporavi prefenciumque vigore do, dedico, incorporo et assigno quadraginta duas marcas Stetinensium denariorum in meis heredumque meorum bonis promptioribus medie ville Clempzo, siquidem bonis promptioribus, ut si, quod Deus avertat, aliquid in dicta media villa contingeret defolari, michi meisque heredibus et non vicario debeat defolari, qualicunque eciam modo hujusmodi defolacio, videlicet per incendium, rapinam duorum contenciones seu proprias meas sive heredum meorum lites posset evenire, Nulla occasione ficta occurrente, Sed semper vicarius, qui pro tempore fuerit, debebit monere, sublevare et percipere dictas quadraginta duas marcas Stetinensium denariorum in ipso festo sancti Martini episcopi et confessoris gloriosi, sub forma veri et perpetui census et redditus piarum elemosynarum singulis annis perpetuis temporibus absque ullo mei meorumque heredum impedimento. Tali tamen conditione adjecta, ut pro illis duabus marcis vicarius, qui pro tempore fuerit, debeat singulis diebus dominicis vigiliis, proxima eciam sequenti feria secunda missam pro defunctis celebrando decantare et tempore solito infra missarum sollempnia memoriam animarum meorum progenitorum meeque, me domino disponente ab hoc seculo transire, meorumque et heredum facere debebit; quod si facere refusaret, ex tunc dicte due marce debent panno sive calceis seu aliis causa elemosyne pauperibus erogari. Vicarius vero quadraginta marcas sine remurmuracione sublevabit. Eciam forma supradicta do, deputo, incorporo et assigno ad dictum altare seu vicariam unam domum ei curiam prope cimiterium in dicta villa Botervelde conjacentem. Ceterum vicarius in confiniis ipsius sepe dicte

ville Botervelde piscaturam privatam tantum pro mensa sua debeat habere sine mei meorumque heredum contradiccione. Abrenunciatis presentibus una cum meis heredibus et successoribus proprietati et juri, juxta — et assensum, jussionem et approbacionem nobilis viri domini Johannis Wardenberg, domini et heredis castri Zheden et advocati nove Marchie, prout in literis suis et desuper confectis plenius attestatur, super quadraginta duas marcas antedictas easque per amplius spiritualis proprietatis judicio funditus adtribuens. Jus tamen patronatus sive jus presentandi ad me meosque heredes carnales succedentes sexus virilis, quamdiu vixerint, debeat pertinere. Post vitam vero ipsorum ad sanctimoniales monasterii Tzed en in perpetuum pertinebit. Eciam istam condicionem fore volo interjectam, Ut memoratus altarista, qui pro tempore fuerit, debeat propria in persona in ipsa dicta villa Botervelde residere et plebano in licitis et honestis parere et obedire. Atque altaristam alibi si contingeret residere, ex tunc nemo, nisi qui per patronos ad id electus fuerit, ipsum altare officiare debebit, cui eciam officiali integri redditus totaliter distribui debent atque dari effective absque ipsius vicarii contradiccione. Ceterum si ipsam vicariam permutare pretenderit altarista, ex tunc et virum idoneum et patronis congruentem et nullum alium loco sui collocabit. Ut ergo supradictam donacionem una cum suis clausulis autoritate vestra ordinaria approbare et confirmare dignemini reverendissimam vestram deprecor paternitatem studiose. Atque honestum virum dominum Petrum Brentzel, si id ipsum altare confirmatum fuerit, vestre reverendissime paternitati duxi presentandum, supplicans devocius, ut eundem dominum petrum ad ipsum instituere dignemini et investire. Pro quo venerabili opere paternitati vestre volo, ut alias teneor ad queque mandata et beneplacita benivolus obligari. Datum Botervelde, anno domini MCCCCI, ipso die Sancte Dorothee virginis gloriose, proprio sigillo sub appenso. Nos itaque dictas preces ex radice caritatis tam Dei quam proximi procedentes frustrari nolentes, hujus altaris fundacionem et dotacionem, reddituum premissorum assignacionem et juris patronatus reservacionem ac omnia et singula in eisdem premissis literis contenta ratificamus, approbamus et in Dei nomine confirmamus per presentes, jure tamen ordinario nobis et successoribus nostris inviolabiliter reservato. Inhibemusque sub anathematis et excommunicationis penis, quas in his scriptis ferimus, ne quisquam cujuscunque preeminencie, dignitatis, condicionis, ordinis, gradus, status et sexus existat, premissa infringere vel eis ausu temerario contraire aut impedimentum inferre vel ea alienare, distrabere aut ad prophanos usus revocare audeat vel presumat quolibet quocunque quesito colore vel occasione quacunque, sicuti preter has penas indignacionem omnipotentis dei et beatorum Petri et Pauli apostolorum ejus et ulcionem canonicam voluerit evitare. Datum in castro nostro Corlin, anno domini MCCCCI, die XXI mensis marcii, nostro majori sub sigillo.

Aus Diefmann's Urkunden-Sammlung des Königl. Geh. Staatsarchives f. 218.

XXI. Nicolaus Sack stiftet und dotirt die Pfarre zu Butterfelde und gründet bei derselben eine Memorienstiftung für sich und seine Voreltern, am 11. Januar 1409.

Coram universis et singulis Christi fidelibus presencia auditoris seu visuris ego Nicolaus Sak, miles, residens in villa Botervelde, una cum meis veris heredibus presentibus et futuris